

武功縣志



續武功縣志序

原夫方志流別出自禮經體例淵源肇諸史部故聖人言禮必文獻有徵列國名書亦春秋著號然則志乘有作明備宜宗經尚體要貴法馬班也固矣明康氏海撰武功縣志起上古終正德己卯例著七篇其書長於取裁短於辨例而詞意高潔選擇精嚴規仿龍門得其斷制覈厥宗旨在元和九域之間非繼宋諸家所能企及夙稱名志亦復何愧繼此三經修纂成於康熙壬寅雍正癸丑乾隆甲辰皆各爲一書易致散佚予前撫陝西偶讀康氏志欲合三志續前志後以便檢閱而未得其暇嘉慶十八年癸酉武功令張君樹勳有志編纂適延長令王君森文緣事罷官王君爲會稽章實齋先生學誠門人得聞志乘體例因屬二君合纂續志是冬書成其書依據三次遞修舊本泰以鄉先生孫檢討景烈所撰邵封聞見錄並紳耆采訪新冊合爲一編事無罣漏而義例恪遵康氏則續志體裁宜然譬諸布帛雖體有廣幅而製無別裁爾雅曰經旒曰旃廣狹異製烏能成其旃哉予於是冬移撫粵東瀕行二君乞一言弁其首予喜二君能成予志因臚列始末以識修輯梗概焉是爲序

賜進士及第廣東巡撫上元董教增撰



原序

夫志者史之所取材也。合而爲史，散而爲志，則志不可無也。然美惡者俗，利病者法，苦樂者情，賢不肖者人，污隆者運，以至災祥因革，忠臣孝子，烈女貞媛，可爲憂喜，可爲法戒者，靡不具焉。顧事弗彙，則渣蔓弗芟，則冗言弗信，則誣詞弗賁，則俚合衆美而成之。此所謂文質彬彬者也。邑乘久闕，自正德十五年以迄今日，歷百有餘禩，而志不一出。君子蓋喟然嗟焉。先大父休寧公，蓋嘗述之，竟齋志以歿。今雖疆域猶昔，而法制之變更，人文之代謝，以至官師隱德，種種不一。卽在近世，已失其半。詢之故老，恍然如夢。若不及時編入，則久而散亡，後有作者，復何所憑以掇拾乎。我梅嶼李公，浙右儒宗也。以豈弟君子來涖茲土，甫下車，首崇文教，士子咸切矜式，不期月而綱振目張，美政歷然備舉。前因茶臺許公訪邑志之未續者，乃以纂修重任委諸余小子。維熙謗昧不文，譬豈之執越說燕人，且笑之矣。但命不敢諉，蒐遺典，竄僻聞，謬爲銓次。太史公舊志昭若日星，茲不復贅。祇就後所未及見而記者，緝而續之。淺鄙無序，念有深愧。夫豈敢侈然自號爲文，特勉成一帙，以卒先公之業。博雅君子，可供覆瓿云爾。至捐俸命工，昭示來茲，以垂諸不朽。昔我公締造圓成之力，而鄙人士不敢忘所自云。

康熙元年歲次壬寅秋八月邑後學高邑令張文熙撰

原序

我

朝鼎興，百有餘載，盛烈光乎重洽，德茂偃乎八區。率土攸攸遷善，罔置。於是公卿言天下父安，承平無事，海內山川土田政事風俗，人民之美，靡可勝記。若非垂之記牒，則事與年晦，恐無以闡發幽

潛表揚

聖治。

天子可其奏。乃

命直省宏開館局纂修通誌附詳其事於古而秦省則以家
憲寓舟先生總裁其事。先生博雅宏才。今膺茲任。宜其綜覈詳明
條分縷貫而無有遺義。雖古之班馬。何以加焉。華承

命試用秦省得與校讐之末。聽事日久。雖未能窺公之奧。而亦喜
有以得公之意也。事未竣。華承檄宜君。宜君小邑也。無誌。華乃卽
公之所以爲省誌者。創宜君誌。宜君人不吾非也。逾年調宰。今武
邑。邑固有有明康殿撰撰誌。但迄今二百餘年。雖典型在望。而其
文漫漶。不可復識。卽一修於張明府之手。然

聖朝休養生息。含濡茲土。於百年之盛者。尚待有所表章。竊思起

序

三

而修之。得邑人南阿山人續著縣誌私稿。惜多未備。華與孝廉翟
孟宣等。爲之覆核增刪。期於可信。且補入近年事跡。其所以爲武
功誌者。大旨則又與宜君等也。華因思是書之成。雖不敢抗衡前
哲。竊幸闡發幽潛。表揚

聖化。不至背謬者。則皆 秦憲公之所啟益也。而華敢自以爲多
哉。誌成。呈之 秦憲公。公曰。可。質之邑諸君子。無不可者。遂命梓
焉。

雍正十一年歲次癸丑孟冬。上澣。知武功縣事沈 華撰

原序

邑乘之書。紀載不出州里。而政令沿革。民風士習之淳漓得失。皆
可按籍而考。澁官行政者。得所據依。以爲張弛之具。其裨益洵非
淺鮮也。武功邑志。肇自有明康對山太史論者。謂與韓范洛朝邑

志並爲陝省邑志之冠。然苑洛才氣濶達。考證間有疎漏。對山文筆簡潔。最能合史傳體裁。惜其成書太速。甫七月而事竣。其於農田學校諸大政。及人物藝文之足資採擇者。亦微有罣遺。後賢繼起踵修。若張暨沈二志。又皆自爲續稿。以成專書。而對山之作。訖無增損。於其間誠以前人著述之美。未可輕易黠竄。然事經三數百年。政治人民日益繁富。苟非彙集典故。勒成一書。則考古者終有不醇不備之慮矣。前令錢君有菴。以名賢英胄。來宰是邦。甫下車。卽殷然以徵文考獻爲先務。適長洲吳竹嶼舍人。來主闕中書院。遂以志事相屬。廣搜博採。續輯舊聞。編定新志若干卷。凡康志之文。悉仍舊貫。其他隨事附益。條理秩然。燦若指掌。余適承錢君之後。得遂觀其成。以告歲事。良足幸也。昔唐姚合嘗宦武功。作縣居詩三十首。備述山邑蕭閑之致。想見其時政務清簡。長吏得以優游賦詩爲樂。余自愧才拙。公事黽勉不遑。詎敢追步曩賢。以吟詠自適。然而有邵舊封詩人所咏。漆沮之間。風土醇茂。後之留心治術者。得是書以考稽掌故。可以不下堂階。而得觀民勵俗之道焉。則余與錢君撰錄之意。不可謂非同調也。書旣成。將付諸剞劂。以垂永久。因誌其緣起如此。時

大清乾隆四十九年歲次甲辰三月中浣文林郎知縣事樂昌黃

景略撰

續武功縣志跋

康氏海撰武功縣志風稱名作後賢繼述韓沈嗣踪規步矩行用逾尺寸錢氏後起書成倉卒未免冗雜貽譏樹勳承乏武功多年深喜俗美風淳留心採訪擬事考訂上元董觀橋先生巡撫關中觀風下邑合參志乘命樹勳曰康氏志自成一家不可損益續作繁瑣久易散逸合三書爲一以續舊志且便觀覽其君之功乎樹勳唯唯退而博覽

昭代典章徵求人物名雋並得孫酉峯先生邵封聞見錄適延長令諸城王君森文被議閉居延爲纂輯體遵舊志傳用別裁合三志之人文歸一家之義例起于故明嘉靖壬午止于

國朝嘉慶甲戌共述七篇以續康氏志後所以成觀橋先生之

志也康氏志舊本爲孫酉峯先生所刻近多漫漶與續志並付削

跋

勵其注釋評點悉依原本校正無或訛漏焉樹勳旋調長安刊刻始得卒業因識其顛末附於篇終時嘉慶二十一年丙子孟冬秀水張樹勳跋于長安官廨

續修武功縣志

總纂

特調長安縣知縣前任武功縣知縣張樹勳 廩貢生浙江秀水縣人

編輯

雒南縣知縣前任延長縣知縣王森文 嘉慶乙丑進士山東諸城縣人

採訪

山丹縣教諭 邑舉 人黨行義

富平縣訓導 邑廩貢 生張 溶

世襲恩騎尉 邑生 員馬象南

邑舉 人張燕翼

邑歲貢 生馬浚六

邑歲貢 生華有詩

邑歲貢 生焦鑑

邑生 員楊本哲

邑生 員段書田

邑生 員李映奎

邑生 員高登鰲

邑生 員陳景韶

邑生 員張攀龍

邑生 員楊甲木

邑生 員馬箎咸

邑生 員孫奕塏

校刊

邑生 員張樹楠


武功縣圖

卷之一

輿地


每方五里

東



武功縣圖

卷之一



北

里韓店

村坡頭

村高里封郎

鎮莊大

樹尖寨游

南

水澗

水清

水潤

一一一

西

扶風縣界

分界鋪

姜嫄嘴

武功水

乾州界

村三合里

村郭

村底岸

村北岸

渠任

渠筆

寨所

北

鎮陽

鎮游

鎮鳳

鎮公

鎮公

鎮公

鎮公

鎮公

鎮公

城

城

城

城

城

城

城

城

城

村新

村新

村新

村新

村新

村新

村新

村新

村新

村新

村新

村新

村新

村新

村新

村新

村新

村新

村新

村新

村新

村新

村新

村新

村新

村新

村新

村新

村新

村新

村新

村新

村新

村新

村新

村新

村新

村新

村新

村新

村新

村新

村新

村新

村新

村新

村新

村新

村新

村新

村新

村新

村新

村新

村新

村新

村新

村新

村新

村新

村新

村新

村新

村新

村新

村新

村新

村新

村新

村新

村新

村新

村新

村新

村新

村新

村新

村新

村新

村新

村新

村新

村新

村新

村新

村新

村新

村新

村新

村新

界縣眉藍

武功縣續志原序

盈天地間蕃育者難以更僕而總醞釀於山水。故省會郡邑皆山水所蟠結而成。人物風土於是乎肇。書契遂興。後人因之以作志。然畧焉而勿詳。始焉而勿繼。識者不無代遠人湮之感。庚子春仲。得銓武功令。夏且治裝。發自都門。歷三千里而後至。見其崇岡環抱。曲水流澌。千峰競秀。一壘摩空。不覺掀髯鼓掌曰。此中大有佳處。及與邑之大夫士晉接。揖讓都雅。不愧名邦。向望氣而擬之。今覲面而知之矣。但鉛刀初試。未遑觀縷。事稍暇。取吏所進城圖志。書而覽之。諳戶口土壤祠壇古蹟耆德尊宿。後先輝映。俱較若列眉。至細閱序跋。則爲康太史所纂。終於正德之十四年。以後尚缺焉。有待。會許茶臺有通修秦省之舉。檄取續志。余躬請鄉先生酌議。元白張明府身任厥事。不數日而脫稿。微者顯之。幽者闡之。雖

序

良史不是過也。擬卽授之剞劂。適事冗未果。忽焉裘葛已更矣。諸先生復以續志相商。余斂容謝不敏曰。忝司部令。久玷牧符。苦局難了者尚思了之。矧此爲光前傳後之書。而又非甚苦。其何敢諉。卽糾匠繕寫。壽之於木。其工食等費。悉以俸薪相給。斷不襲往日陋規。諸先生唯唯而別。因憶少年時。與同人談及名公巨卿佳山勝水。輒欣然神往。以足跡未能到爲恨。茲邀

天家一命之榮。涉淮泗。踰太行。取道於燕豫齊晉之墟。渡河而抵關中。山川映發。應接不暇。獲交於先生長者。已不啻錫百朋而貽瓊玖。廼卒讀邵志。康太史修之於前。張明府續之於後。余拱手受成事。俾識先哲之鴻篇。華胄之世譜。真足以灑練心腑。祓除鄙吝。余小子其有幸哉。其有幸哉。謹役隄廩不律。而紀其巔末於簡端。康熙元年秋仲吳興李紹韓膽人氏撰

續武功縣志卷之一

地理志第一

武功地理沿革山川俱詳康氏前志間有遺誤考據正史水經泰

以孫氏景烈邵封錄有足補正前志者并著於篇

史志地理縣境山川古蹟必附子注蓋取識一縣疆域以示後世

故年代久遠考其形勢猶可得所依據漢書地理志雍有五時諸

祠今鳳翔縣漆有漆水在縣西元和志漆水在新平縣西九里北

流注涇寰宇記名白土川今名水兼有美陽西境仍不接

北武功有大壹敦物斜水今郿縣在渭南後漢郡國志美陽有岐

山周城周原故城見後漢書梁懂傳懂轉戰武功美陽闕注仍今

扶風地無釐而郿有郿亭注引新論郿在漆縣蓋所以蓋省釐入

卷之一

郿非入武功而郿仍在渭北武功自永平八年復太壹斜水如故

亦仍在渭南降及蜀魏據諸葛亮與步騭書前軍出五丈原在武

功西十餘里武功亦未移渭北晉地理志郿與美陽武功山水無

改置惟晉杜預左傳注駘在始平武功縣所治釐城音義駘依字作郿則

武功徙治釐城在晉不在漢且武功雖有渭北釐地而渭南舊境

仍隸武功北魏地形志真君六年改郿置平陽平陽有五丈原七

一年分扶風置武功郡治美陽美陽有岐山太白山駱谷郿亭蓋

武功渭南北地復屬美陽而武功置郡僅屬虛號郿道元注水經

當在真君七年後北史本傳道元為冀州鎮東府長史時無武功

縣渭水注云東逕郿縣故城南又東過武功縣北又東逕武功故

城北王莽新光蓋西漢故城又東溫泉水注之又東逕釐縣故城南又東中



亭水注之。郡改平陽。故稱故城。麓無武功。故稱麓縣。下有武功故城。故武功仍襲舊稱。中亭水會雍。注云。南逕美陽縣。西考其形蹟。當在今漆邨東。蓋武功舊治麓城。復治美陽。郡移而名隨。故漆邨以東堡寨。今猶稱邨封里。史記曹相國世家。參攻雍。麓止義。引括地志曰。故雍。句縣南七里。故麓城一名武功。句縣西南二十二里。古麓國也。蓋釋二縣。非專注古麓文。水經注麓城東北有姜嫄祠。長安志。祠在武功西南二十二里。今扶風東南四十里。俗名姜嫄嘴。有姜嫄廟。雍正五年。鐘欵載扶風縣。邨城鄉姜嫄嘴。距武功西南三十里。蓋秦漢麓縣舊治。非周武功縣。亦非魏美陽城。自北周移治。由隋迄明。皆治中亭川。

國朝仍明制。隸西安府乾州。雍正三年。改乾州爲直隸州。武功仍隸乾州。不更屬西安府。鄉里爲一縣。疆理制度。古今沿革尤多殊異。武功鄉名秦漢有壤鄉。唐十四鄉。有中水鄉。餘無考。宋四鄉統

卷之一

二

四里。縣東高望鄉。統望鄉里。縣南周原鄉。統懷德里。縣東南節婦鄉。統顯揚里。縣北義門鄉。統順義里。明分十五里。末年因兵荒散亡。并俱得奉安爲俱奉里。坊廂姚安爲姚坊里。

國朝順治十六年。裁明屯衛軍地屬縣。更設左右中前後五衛。衛地皆名寨。康熙五十九年。乾州民買種武功地。各寄莊里。實無邨落。雍正九年。改明秦藩采地屬縣。爲更名里。亦雜廁各里。皆不成里。武功鄉制。實有五衛十三里。嗣因民間過割地畝。輾轉糾紛。遂致疆

理紊亂。里法不能統一縣之地。雍正七年。檄立社倉。建九社。爲在城長寧大莊。普濟薛固永安楊陵游鳳魏公九鎮。乾隆十五年。又分置韓店社爲貞元鎮。共十鎮。里衛邨落始有所統。康熙二十二年。分興平扶風武功渭北地。設西安駐防兵馬廠。武功廠地東西五十二里。南北二里五里不等。地屬駐防。不在十鎮中。統計縣境

南北四十五里。東西六十里。東至興平界四十五里。治九十里。南至盤屋界二十五里。治四十里。西至扶風界十五里。治六十里。北至乾州界二十里。治六十里。距西安府一百九十里。

京師二千八百里。孫氏景烈曰。武水縣東門外北來水。宋游靖重修縣廳碑云。鳳岡西拱。武水南傾。今改武功爲武亭縣。其地理志有武亭河。則武水之名已久。而明對山康氏縣志。誤以此爲漆水。

余嘗辨之。今按武水。乃水經之杜水源。出麟遊縣西五十里。招賢鎮杜山之陰。卽水經所謂水發杜陽縣大嶺側。世謂之赤泥峴。沿坡歷澗。俗名大橫水也。與出杜山之陽之小橫水異源。小橫水亦曰杜水。

水經又謂大橫水東南流。逕杜陽故城。世謂之故縣川。一坑水注之。水有二源。一水出西北。與竇黽水合。而東歷五將山。又合鄉谷水。出鄉溪。東南流。謂之鄉谷川。此下有闕文。杜水又南。葦水注之。葦水。卽乾

卷之一

州之蕘。又南逕美陽之中亭川。水經注。雍水謂之中亭川。今按雍谷水。水卽葦水。俗名後河。詳見葦水下。

據此。則武水爲大橫水。又名杜水。明甚。而武功人自宋至對山作縣志時。不謂之杜水。橫水。直謂之武水者。蓋以此水西北來。下好時。至黃家堡。入武功界。遂易其名。弗之考耳。至漢漆縣之漆水。源

出麟遊縣西百二十里。舊普潤縣。隋縣名。西之青青山。東南流數十里。折而西。卽岐山縣北境之朱家河。又西流。至鳳翔之亢家河口。

與岐水合。又西至杜陽川口。與杜水合。水經注云。杜水東南流。合漆岐二水。俗謂之小橫水。以武功功河爲大橫水。亦或名之米流川。逕岐山而

又東。與雍水合。岐山縣志云。岐梁諸山之水。自汧水以東。在岡脊之南者。俱歸雍水。在岡脊之北者。俱歸杜水。卽大橫水。而會於武功之川口。南流入渭。可謂言簡而明且確矣。漢谷水。漢金史作莫源。出永壽麻亭嶺。逕乾州西南夾道中三十里。至董晁邨。入縣界。又至

縣東門外二水寺從武水南流唐德宗之如奉天也朱泚反遂犯

奉天建中四年十月戊申德宗如奉天靈武鹽夏渭北諸將合兵

入援上名將相議道所從出渾瑊曰漢谷險狹恐爲賊邀則城中出兵

自乾陵北過且分賊勢盧杞曰漢谷路近若爲賊邀則城中出兵

應援上從杞策援兵死傷甚衆退保邠州此漢谷之見於史鑑者

無可疑矣安得因鄉人訛漢谷爲沐浴轉疑其訛讀沮爲浴而遂

指此爲沮水耶武功無漆無沮學者自能辨之漳水據寰宇記源

出岐山縣東北六里漳谷東元和志漳川縣以縣南漳水爲名省

志魯班溝在岐山縣東十里龍尾溝在岐山縣東二十里麻葉溝

在岐山縣東二十五里俱有小水南流入交河漳水出岐山縣境

當卽魯班溝諸水今則直指雍水爲漳水矣按岐山縣志雍水卽

灑音緩河源出鳳翔雍山平地自岐山縣西南十五里河北邨東流

卷之一

至交河與小橫水合又東至雁義邨魯班溝水南注之又東至侯

家灣龍尾溝水北自灣西注之麻葉溝水北自灣東注之又東一

名漳水一名白水逕坡子頭入扶風界自是而逕扶風縣東門外

受鳳泉水東至武功縣西南十里之聶邨漉下入武功界又東南

逕武功之鏡照寺殷彭邨崔家溝趙家河牛家河許家溝約二十

五里俗名後河後河之名自岐山扶風至武功無或易者以渭水在前漳水在後故也至楊邨與武

水合焉宋游靖重修縣廳碑云宇文造周易治中亭水經美陽中

亭川注云雍水謂之中亭川據此則雍水卽爲漳水復何疑歟清

水不見縣志其源則扶風齊家務東南數里之湧泉也東行三十

里至武功縣西南隅永安邨渭水之北傍渭而行約七八里至橋

頭始入於渭渭水縣之南界也源出鳥鼠山西北水經注渭水又

東東逕邨及武功槐里縣北此指渭南之武功言今逕武功縣南

矣。自縣西南界永安邨而東。逕縣南界六十里。人興平界。縣志未載。

卷之一

五

建置志第二

建置志法度也。考其興廢而治忽寓焉。法度所在。城為重。

縣城西據稷山。東臨武水。周三里二百二十步。池深八尺。東一門。曰觀瀾。南二門。東曰集賢。西曰望月。北二門。東曰迎仙。西曰來鳳。明代修築。正德以後無考。

國朝康熙二十五年。知縣徐奇桂重修。並建各門磚樓。乾隆十八年。知縣龔師勝復修。如舊制。城內街衢。東門大街。西至大十字。為東街。又西至小十字。為學前街。又西至原麓。南折出望月門。為西街。大十字南出集賢門。為南街。北出迎仙門。為小北街。小十字北出來鳳門。為大北街。南為宣化街。東折通南街。為南司巷。

縣署。王治之區。儀門三楹。前後堂五楹。堂中亭。後堂夾室。皆三楹。明嘉靖五年。知縣廣安州姜恩修治。縣民所輸木也。見郭縣王檢詩。九思所撰。

卷之一

六

碑記

國朝初年。知縣費緯。康熙元年。知縣李紹韓繼葺。後知縣徐奇桂。建署後磚樓。章紳移建鄩侯廟。大門東。樓三楹。舊在迎賓館南。今所夫外移。改為民壯值宿房。並祀衙神。皆間為補綴。嘉慶十六年。樹勳更加修築。門三楹。大門有鼓樓。左右有民快值宿房。獄在西。儀門內。有介石亭。廢。左右有六經承房。有皂隸值宿房。堂滄北。達大堂。堂五楹。左庫房。右堂房。堂後堂二寢。中曰思古堂。制皆如大堂。惟磚樓廢。思古堂。西增南北書房十八間。廚房在西。大堂西。舊縣丞署。自裁邵城驛丞。舊驛在南街馬神廟。東草場在驛址東南。驛遞歸縣。改為馬號。康熙三十年。章紳重修。嘉慶十三年。樹勳更加開拓。重葺廟宇。增置槽廄。急遞總舖。舊在府行署西。崇禎九年。知縣張含光。賃公地。償民賠項。舖遂廢。今歸承發房代辦。典史署在縣署西。管汛署在南司巷。即

布政司行署舊址皆縣之輔也。一縣之治，首先教化。學校實教化之本。

教諭訓導署在學前街北。明嘉靖三十四年，教諭荆珉及邑紳士倡眾捐修萬歷九年。知縣曹崇朴移明倫堂舊堂西北舊基爲敬一亭。闢門直堂。俱見張鍊重修廟學碑記。雍正十一年，教諭姚奮聖倡邑人重修。祠奎星樓碑記。萬歷二十六年，知縣薛郭建尊經閣於堂後。有張汲碑記。教諭訓導宅在堂西。訓導後移縣署西。按察司分司署廢址爲學校之輔者有書院義學。

有邵義學在大北街西。舊靜山書院也。義學舊在城隍廟南。康熙五十七年，陝西學政覺羅逢泰知縣劉銓建學堂三楹，並置租地。雍正間，知縣沈華增廂房四楹。今廢。乾隆八年，知縣楊毓芳因庭宇湫隘，改置縣署東，名曰靜山書院。靜山者，毓芳字也。門東向，講

卷之一

堂三楹。堂後三楹，廂房四楹，院廣六丈四尺，修七丈九尺半。有孫烈碑。二十六年，知縣瑪星阿改曰有邵書院。有教諭劉宗孔碑記。嘉慶十四年，樹勳既重修綠野書院，因改爲有邵義學。前志。宏治年，里置一城內，今廢。鄉學亦廢。

綠野書院在城東南隅外。本葆真菴故址。明宏治八年，與綠野亭互易，改爲書院。講堂前建祠祀宋張子橫渠先生。有吳寬碑記。明末棟宇傾圮，半爲耕者侵蝕。

國朝康熙五十年，知縣孫琮勘復舊址。五十六年，知縣田中孚乾隆十三年，知縣鄒儒有儒自撰碑記。繼修如舊制。後復荒廢。嘉慶十四年，樹勳倡紳士重修，建屋五十四楹，刻石記其事。復添置學田，得實地二十八頃九十畝八分。每年招佃收租，又乾隆二十九年，趙和璧等捐銀五百兩。嘉慶十五年，楊肯堂捐錢四百千。先後交贖

庫營息均充書院義學。師生修脯膏火之資。另刊經費章程。令董事掌執。專司出納焉。

申明亭所以宣化也。縣門外舊有申明亭。久廢。雍正三年。知縣杭雲龍於在城及八鎮各置鄉約所。月朔宣講。

聖諭。後志有旌善亭與申明亭同處今廢。

坊表所以旌善也。孝子坊在訓導宅南。雍正八年。為孝子宇文瓊

建雙節坊。在社倉東。雍正八年。為節婦康閔氏康耿氏建。後志有康氏世

節坊在縣門西。馬騶布政使坊在南街。康氏海狀元及第坊在大

十字街東。康浩地官大夫坊在學前街。西康河太守坊在十字

街。西楊秉中御史坊在南街。張鏞張鍊兄弟同科坊在東街。李朝

綱御史坊在南街。李時芳崑崙副使坊在南街。陳奠妻牛氏旌節

坊在宣化。禮義生於富足。則積財尤為急務。

預備倉古常平也。舊有十五廩在縣署西。後志十 乾隆四年。建北

倉七廩。小北街西。貯探買糧舊 五年。建南倉七廩。南街東。貯捐監

本。年又建西倉五廩。縣署西。貯預 後因空廩坍塌。移用及估變十

六廩。今存南倉六廩。北倉七廩。實貯穀三萬石。除豁免民欠穀六

時及民欠穀二萬九千。社倉亦所以輔常平。分繫各鎮。以與戶口

三百九十九石八斗零。相衝。邨落則列其要者。寺觀不足。言建置陵墓不宜入建置。附錄

之。藉金石以識鄉聚也。

在城鎮領街七堡三十八。戶一千九百九十四。社倉五楹。在城內

府行署。貯穀三百七十二石二斗零。北郭有報本寺。景泰元年。萬

慶十三年。邑人補修。有僧了覺。張汲火神廟。舊在郭外東北野田

楊錦堂碑記三通。寺有浮屠七楹。中因武水西泛。虞其

傾圮。移建。今址有萬歷。舊在郛城驛西。郭外有香山寺。嘉

四十八年。張惟恭碑記。養濟院。今在報本寺南。郭外有香山寺。嘉

清十九年。鐘鴻禧觀。有嘉靖二十六年。康。造三十六年。張鏞。康

在縣門鼓樓。鴻禧觀。照四十八年。康。呂賜。邑人重修。碑記三通。

二水寺。在武水澗谷之交。寺舊有石大士洞。明萬歷三十年。知縣

李舒芳。建立文昌祠。并祠後浮屠有張汲碑記。無二水寺

名崇禎十五年。鐘始載寺。東郭有漏澤園。今南北西 東有官渡渡

名蓋改建在文昌祠後。郭皆有。

卷之一

東原麓有東嶽廟舊在二水寺南後没于水移建今址孫真人洞

有張鍊碑記南郭東有書院義學田嘉慶十四十八等年張溶捐地二十七畝劉積順捐當地

一十二畝樹勳價買郭西原半為西郭南有葆真菴舊址原上

有演武教場郭門外南為臘吉坡有姜嫄墓修廣十丈郭南南里

城周貞元十五漳環邨有書院義學田乾隆二十四年知縣瑪屋

許西莊康氏海莊西有康氏海臺後志有宋游師雄莊在北郊康

海沂東草堂在漳水東李時芳別業在南郊崖下耿志焯怡園在

稷山顧馬鳴世大觀亭在南郭西原麓又有符上人洪園康浩城

遺址無考今皆廢貞元鎮距縣城東二十里領堡七十五戶二千八百八十八社倉

五楹倉廩皆貯穀四百二十五石六斗零鎮有韓店舖距城十里乾

元寺有萬歷十二年康可會舖距韓店十五里舖西西牛家寨有

書院義學田羅逢泰捐地一十五畝西南坡頭邨東北高望川有

高望亭亭基

卷之一

長寧鎮距縣城東四十五里領堡八十三戶二千二百六十社倉

五楹貯穀六百三十五石七斗零鎮有長寧舖距可會舖十五里

關帝廟舊長寧驛丞署乾隆二十六年公館乾隆四十一年北皇

甫邨有黃龍寺有萬歷四年西北河道邨有香城寺有嘉靖五年

本名興隆禪寺成化又東北馬午邨有社學寺有正德十三年碑

邑人張沂建南焦上邨舊有輿城置今廢為寺

薛固鎮距縣城東南五十里領堡五十八戶一千九百八十二社

倉五楹貯穀八百二十一石五斗零鎮有成國故渠故白渠渭北

有書院義學田嘉慶十五年樹勳詳撥薛固鎮西至杜家堡灘地

四分西渭源邨有渭水渡東渭源邨舊有渭源有渭水渡有平定

寺寺內有卧佛有成化四年鐘有西南永豐里西北燒香臺舊有

康熙五十四年鐘載節婦鄉

里社 有望仙宮。有嘉靖二十七年碑記 西南馬坊堡有渭水渡。後北別墅今廢。

普濟鎮距縣城東南四十里領堡六十戶二千一百四十三。社倉

五楹貯穀七百三十六石七斗零。鎮有成國故渠。隋地理志永豐渠故道。城隍廟。有康熙三十五年鐘。南鄭廟。舊有會同西南高

家寨。有渭水渡。北顯義里又北新尚邨。有聖壽寺。有乾隆四十年碑記。

北香灣。有書院義學田。乾隆二十八年知縣瑪星阿捐地五畝。

大莊鎮距縣城東南二十里領堡六十二戶二千二百五十四。社

倉五楹貯穀六百二十一石二斗零。鎮有成國故渠。漢故渠上承功至高陵。唐故渠合漳水。莫谷香谷武安四水。溉武

陵入渭。故白渠。功至高陵。田二萬餘頃。去縣南十三里。東有雷

湟廟。有萬曆三十二年鐘。廣元寺。有崇禎元年鐘。義樂寺邨。有義樂寺。有景

年碑記。寺內有關帝廟。有萬曆四十七年鐘。義節婦鄉。東南尖柏樹。有關帝廟。陝西巡撫秦

承恩碑記。載本年二月。自董賊據渭。將宵濟廟。出紅燈及渭數百間。奔馬聲賊蓋神佑也。何家堡有渭水渡

西北高邨。舊有邵封。有洪教寺。有嘉靖四十三年鐘。觀音堂。有白

兔寺。後志李淳風。母墓在寺內。又北漆邨。俗名南。北店子。又北毛家嘴。有武水渡。客山

廟邨。縣以西原為主山。故以東原為客。

永安鎮距縣城西南二十里領堡四十七戶一千九百三十三。社

倉五楹貯穀八百一十七石三斗零。鎮有成國渠。永慶寺。有乾隆

年四十年碑記。載嘉靖二十四年重修。今西有聚仙宮。俗名圪塔。名興隆寺。嘉靖二年鐘。載周原鄉永安里。廟有萬曆

二年三年四十六年雍正八年。太白祠。在聚仙宮東。有池。碑記。廟建于宋太宗至道元年。取水祈雨多驗。東北建

子溝。有恩義寺。有康熙六十一年鐘。載古名慶善宮。後改恩義寺。寺基長一百二十丈。寬二十一丈。部封。錄疑即安

養堂。亦唐南姚安邨。舊有永安里社學。東崖子堡。有書院義學田。乾隆二

太宗遺跡。詳撥灘地。高家嘴有書院義學田。乾隆二十五年。又

知縣馮星阿詳撥灘地。詳撥灘地三十六

七畝七分二厘五毫。石谷邨。立節堡。有慈德寺。有宏

誠六分。武水東張捕邨。舊有永豐里社學。

里社學。

石谷邨。立節堡。有慈德寺。有宏

怡三

卷之一

楊陵鎮距縣城西南十五里領堡七十七戶二千一百四十一社

倉五楹貯穀七百九十三石八斗零鎮有成國故渠西魏六門堰

通濟渠疑五泉故渠長安志引十道志渠自扶風界流入經三時

皆在此原上東流經縣西南去縣十二里亦疑即成

渠關帝廟有乾隆二十年張氏洲碑記東溥邨有唐蘇許公瓌墓修九十步

北三時原在漳南北周瑯琊公司馬裔河內溫人建德元

照寺邨舊有姚安有鏡照寺有宏治十五年鐘東磨李溝有漳水

渡楊邨有舟渡柴家嘴有書院義學田嘉慶十六年樹勳漳北西

原新寨有蘇瓌神道碑高九尺廣三尺五寸二十八分每行六十

蘇府君之碑字張說撰銘盧藏用撰序并隸書額題唐故司空文貞公

少傳許國蘇公薨明年二月巳酉制葬公子武功之先塋建碑于

西一十里神道碑存碑文約千五百餘字德誠者三百餘字前志

卷之一

謂剝蝕過半乃仍羅家堡有唐殤帝陵唐地里志武功西原殤帝

石墨鏤華之譏所塋殤帝即中宗第四子

重茂見中宗本紀及三宗諸子列傳前志有隋煬帝墓部上營堡

封錄云當是殤譏為楊陵修四丈六尺五寸廣四丈六尺周原堡

有書院義學田乾隆三十七年知縣李周原堡有是名宋亦取以

鄉名游鳳鎮距縣城西北二十里領堡五十八戶一千二百六十一社

倉五楹貯穀四百八十九石五斗零鎮舊有游鳳西有海湖院成

化四鐘鳳泉渠自西原東溝出東流逕鎮入武水長安志有南焦陽

邨有沮洳水滯葭葦中賈志良溝泉在縣北十五里永樂又南湫

池溝有清涼寺碑記舊有池今涸南王澤邨舊有舍有宋游師

雄墓在華家堡南墓修五十三步廣四十八步墓志石今在西安

丙勸農事兼提舉商號等州兵馬巡檢公事飛騎尉賜緋魚袋借紫游公墓誌銘張翁民撰鄧鐸書章篆蓋安民女敏姚文安延年模刻誌云游氏世居京兆之武功曾祖永清祖裕考光濟公以

年聖三年七月卒于陝州十月葬于武功縣西原鳳凰岡之先塋

夫人仁壽縣君張氏祔公龍家門有漢蘇中郎武墓廣八丈五尺西腰

子堡有書院義學田嘉慶十二年張北橋子堡有書院義學田隆

四十三年知縣胡鼎藍田捐地五畝又北郭房邨有郭房廟有乾隆四十年碑記

蒼捐地一十五畝二十五年鐘武水東蒜邨岸底邨載周原鄉

魏公鐘距縣城北二十里領堡五十五戶一千五百五十五社倉

五楹貯穀五百七十七石一斗零鐘有城隍廟有天啟五年建廟碑記康熙四十七

年鐘載南奉安邨舊有奉安里社學有書院義學田乾隆二十四年知縣

周原鄉分岡上邨有三官廟有萬歷十二年碑記東南馨邨有雙聖廟十年碑記右

所邨有書院義學田嘉慶十七年魏楹捐當地蘇坊邨漢蘇中

谷東南北兆邨有書院義學田乾隆七年知縣楊毓芳即故里漢

北十里凡十鐘六百一十二堡二萬四百一十一戶社倉穀六千二

百九十一石零。

卷之一

前明祠祀正德以後未聞改革。

國朝釐正祀典而損益備焉。

先師孔子廟崇德元年定順治二年定於每歲春秋仲月上丁日致祭通行直省州縣各學遵行雍正元年增建啟聖祠祀

孔子五代祖考武功廟殿舊在縣署東明萬歷九年知縣曹崇朴

重修有張鍊碑記二十五年知縣劉中正補修有張鍊碑記

國朝自順治十七年乾州知州署縣事袁州佐重修有州佐碑記歷知

縣倪維楮張翥孫琮工乃畢乾隆四十五年知縣胡鼎蓉請

帑重修繼以紳士捐資祠宇益增鞏固。

社稷壇順治元年定直省州縣每歲春秋仲月上戊致祭武功壇位舊在北郭外雍正十年知縣沈華增建壇垣三十四丈門樓四

壇高三尺寬二丈五尺。

卷之一

神祇壇順治初年定于每歲春秋仲月致祭雍正三年定直省州縣神祇壇設雲雨風雷位于中境內山川位于左城隍位于右武功壇位舊在南郭外雍正十年知縣沈華增建壇垣如社稷

先農壇雍正四年定直省州縣建先農壇及耜田每歲仲春亥日

致祭行耕耨禮壇制高二尺一寸廣一丈五尺武功壇位在神祇

壇東本年知縣杭雲龍建舊志作二年誤並建先農祠三楹祠前貯耒耜

祭器房各一楹耜田五畝

闕帝廟順治元年定于五月十三日致祭雍正三年增祀

闕帝三代祖考于後殿五月致祭外增春秋二祭武功廟殿舊在

南郭稱武安王廟明隆慶元年邑人重修有李朝綱張鍊碑記二通崇禎七年

知縣劉渤然修有耿志碑記十二年知縣許國修有知縣費緯社碑記

國朝順治五年。知縣周曰熙。有教諭姚隆運碑記康熙十年。紳士馬應福等

有舉人李大春碑記乾隆四十五年。知縣胡鼎馨。有貢生黨植槐碑記相繼重修。

鳳壇順治元年定于每年清明日。七月十五日。十月朔日祭于北郊。散城隍位于壇武功壇位舊在小北門外。久没于水。今復舊

名宦祠亦順治元年定。武功祠宇舊在縣署儀門東。後改建文廟

戟門東康熙二十年。知縣徐奇桂重修。祀韋維駱寶玉毛若虛李

愷薛播張署陳南仲姚合張及种世衛王頤高士徹呂義山錢秉

李宗趙茂曾孟通劉幹張山甫王君杜淵耿忠嚴祀賴禮宮廷曹

俊蘇孝勉如圭劉志劉藝高璫張宏陳潤王翼宋學通曹山趙文

傑劉紹呂彥士牛揚荆琨曹崇朴相邦教葉映榴鞅四十四人

鄉賢祠亦順治元年定。武功祠宇舊在文廟戟門西。備康熙二十

年。知縣徐奇桂重修。祀富辰蘇武趙禹蘇純李育蘇烹蘇不韋蘇

卷之一

則蘇愉蘇祐蘇亮蘇湛蘇讓蘇緯蘇椿蘇威蘇夔劉文靜蘇世長

蘇勛蘇良嗣蘇環蘇幹蘇頌蘇訖蘇震富嘉謨蘇源明蘇弁元讓

蘇榆蘇曉游光濟蘇昞游師雄康汝楫馬京符泰張儒珍耿儒張

鏞張鍊馬蟠龍馬自履馬當耿志燿馬鳴世丁世勳康國張相焦

國鼎焦勤馬應福馬環張樞康昌賜五十六人

忠孝祠雍正二年定。武功祠宇在今訓導宅南。祠三楹。雍正四年

知縣杭雲龍建祀宇文澄一人

節義祠亦雍正二年定。武功祠宇在文廟街南。祠三楹。亦雍正四

年。知縣杭雲龍建祀喬丁氏李喬氏等一百十九人

文昌祠嘉慶六年定于每歲二月初三日。秋吉日致祭。並祠文昌

先代武功舊祠。在儒學署東西向。左有魁星閣。前志未載。後志載

雍正十年。知縣沈華重修。有教諭姚奮聖碑記

城隍祀典在壇不在廟廟亦正祠也武功廟宇舊在東門內明萬

歷四十一年知縣李舒芳倡合紳士重修有張汲祠歷百餘年屢

圮屢修至乾隆五十二年知縣田灝復倡紳士重修迄六十年工

竣有張玉凡壇廟十有二祀皆通行天下著為令典若武功境內

歲有修理防護之例者則有

姜嫄祠后稷祠皆在城內稷山頂康熙五十二年邑人重修有康

碑記又有宏治年順天乾隆二十六年知縣瑪星阿重修有孫景

嘉慶十七年樹勳重修有直隸按察使靈保碑記又有

唐太宗祠在鴻禧觀後康熙四十八年邑人重修有康呂賜碑記

年趙茂會明洪武初都督耿忠碑記二通又有

漢蘇武祠在香山寺祠舊在蘇坊村明成化間沒于河像經水不

損昇祀北郭外香山尼寺萬歷間張鍊請于上官別建祠于西原

卷之一

十五

大道旁明季復遭兵燹仍移像香山寺見乾隆四十四康熙三十

年知縣倪離梧重修祠三楹又有

宋張子橫渠先生祠在綠野書院詳建置凡五祠每歲終與姜嫄

蘇武蘇瓌游師雄康海五墓彙報護理如令舊志載唐高祖祠在

康太史祠在十字街東南明嘉靖時列入祀典太自祠後已廢又載

太白山神祠在城西北鳳岡上明崇禎七年知縣劉渤然有耿志

國朝順治五年知縣周日熙有教諭姚乾隆二十六年知縣阿明

阿錢汝器炳麟書碑相繼重修非武功境內山亦祀之太白舊武

功也亦猶姜嫄故祠舊屬武功舊境古郿城武功因墓建祠禮緣

義起蓋亦人心風俗之故孫氏景烈撰姜嫄后稷祠碑記深得祠

祀精義故備錄之其辭曰吾邑姜嫄祠據宋龍圖學士宋敏求氏

長安志在城外西南原麓間傍有后稷祠余嘗按其遺祉當為今

南郭外之臘吉坡其西直上有墩。次姜嫄墓在坎上。蓋因上有其墓而建祠於下也。又按臘爲歲終合祭諸神之名。蔡中郎獨斷周曰大蜡。漢曰臘。意者漢建姜嫄祠及后稷祠於此。歲終卜吉祭之。故後人名其地爲臘吉。其自臘吉坡舊址移建城內西坂上。不詳其歲月。後周顯德中廢爲上閣寶意寺。改寺爲祠。始於前明宏治辛亥姜嫄祠在今后稷祠後記之者。馬鬼閭京尹文振也。嘉靖甲辰移建姜嫄祠於后稷祠右崖最上。并修后稷祠棟陰有署可攷而重修兩祠之歲在我。

朝康熙辛巳邑人南阿康處士爲之記。六十年來風雨漂搖幾於傾圮。邑侯敬齋瑪君觀之怵然捐俸倡修。士民樂助。時爲乾隆二十六年。工肇於夏六月。至秋九月落成。二祠俱南向。制依舊第完葺之。加丹雘焉。后稷祠前新構獻庭四楹。楹間畧稱百祠而庭之

卷之一

東西偏。構遊廊五間。如翼中爲甬道。舊有門。今移樓門外。約三十步爲祠之大門。其規模視昔巍煥且濶矣。士民僉歸功於侯。明年詣余求記其事。爲來者勸。余曰。是誠足勸。勸是誠足勸。顧余獨念后稷當水土。既平身親教稼。烝民乃粒。後世但知其德。在養民而不知養民者。稷之職。養之並欲教之者。稷之心。五教之敷。稼穡之教。啟之也。故周公頌稷曰。思文。又曰。陳常。匪徒稱其率育而已。吾邑人不忘粒食所自。祠后稷而推本於姜嫄。可徒以廟貌奕奕。世報厥德。而忘后稷之心哉。涇野呂氏云。官無后稷之心者。皆忍夫。余竊謂士無后稷之心。則謀食不謀道。民無后稷之心。則失德而乾餼以愆。侯之怵然有斯舉也。推其心。雖古循吏可幾及。而余與士民躬逢。

盛世再觀唐虞沐教養之澤。混矣。况夫生長有邵登姬氏之家山。

望周原之禾黍戶慶豐穰人歌樂利於乎職思哉其何以端士習
厚民風遜志詩書陶情禮樂仰副

聖天子治化之隆而永荷思文無疆之德庇也乎此余因士民之
謏而不能已於言者願與士民共勗之非盡侯之責也侯名瑪星
阿字景謙滿洲正黃旗人丁卯舉人。

卷之一

